

## **Naqqiut**

Akissuteqaammut ulloq 13. april 2026-meersumut taarti.

(Inuussutissarsiornermut Aatsitassanullu Ataatsimiititaliap ilassutitut isumaliutissiisutaata malitsigisaanik akissuteqaat allanngortinneqarpoq)

**Aningaasanut tunngasunik ingerlatsivimmik (finansiel virksomhed), tassannga aningaasaateqarfik, sillimasiisarfik, soraarnerussutisiaqarfik kalaallinik tamakkiisumik amerlanerussuteqartunilluunniit pigineqartussamik, pilersitsinissamut periarfissanik nalunaarusiornissamut Naalakkersuisut peqqunneqarnissaannut Inatsisartut aalajangiiffigisassaattut siunnersuut. Nalunaarusiaq UKA2026 aallartinnginnerani Inatsisartunut agguanneqassaaq**  
(Inatsisartunut ilaasortat, Naleraq)

## **Akissuteqaat**

### **Aappassaaneerinnineq**

Ataatsimiititaliap isumaliutissiisummik ilassutitullu isumaliutissiisummik sukumiisumik suliaqarnera Naalakkersuisut qujassuteqarfigaat. Ataatsimiititaliami amerlanerussuteqartut ilassutitut isumaliutissiisummi aalajangiiffigisassatut siunnersuutaqaartup, Naalakkersuisullu allannguutissatut siunnersuutaata itigartinneqarnissaanik inassuteqarnerat, Naalakkersuisut maluginiarpaat. Taakkununga marlunnut tamanut tunngatillugu nunatsinni aningaasanut tunngasunik ingerlatsivimmik aallartitsinissamut inatsisitigut aporfissaqannginnera tunngavilersuutigineqarpoq.

Aningaasanut tunngasunik ingerlatsivimmik malittarisassanik aningaasanut tunngasunik ingerlatsisunut atuuttunik, ullumikkut nunatsinni aningaasanut tunngasunik ingerlatsivinnik malinneqartunik malinnilluni aallartinneqarsinnaanera, Naalakkersuisut uppersarsinnaavaat.

Naalakkersuisut taama oqaaseqarlutik Inatsisartut siunnersuummik inaarutaasumik suliaqarnissaat qilanaaraat. Inatsisartuni amerlanerussuteqartut suli immikkoortumut nalunaarusiornissaq kissaatigissappassuk, Naalakkersuisut soorunami maniguullutik UPA2027-mi agguassinissaq siunertaralugu taamaattumik suliaqassapput, soorlu tamanna Naalakkersuisut allannguutissatut siunnersuutaanni allassimasoq. Naalakkersuisut taamaalillutik Inatsisartut suliaq pillugu aalajangeranik malinnissapput, matumani siunnersuutip aamma allannguutissatut siunnersuutip akuersissutigineqarnera itigartinneqarneraluunniit apeqqutaatinnagit.